

CYNGOR CYMUNED CRYMYCH - CRYMYCH COMMUNITY COUNCIL

Clerc - Bethan Williams, Henllan Owen, Eglwysrwrw, Crymych, SA41 3UP
cyngorcymunedcrymych@gmail.com Ffôn/Tel 01239 891403

Cofnodion cyfarfod Cymuned Crymych 07/01/2021

1. Croeso ac Ymddiheuriadau

Yn bresennol

Cynghorwyr: Hywel Lewis, Keith Davies, Bill Davies, Cris Tomos, Iwan Rees, Roger Howells

Clerc: Bethan Williams

Ymddiheuriadau: Dylan Sandbrook, Emyr Thomas, Eirlys Twigg, Iwan Evans

2. Cofnodion cyfarfod mis Rhagfyr

Cynigiodd Hywel Lewis eu bod yn gwyir, eiliwyd gan Bill Davies ac fe'u derbyniwyd fel cofnod cywir.

3. Materion yn codi

- Prosiect Crymych - codwyd £2,000 trwy fynd â Siôn Corn i wahanol bentrefi.
- Deiseb i symud arwydd 'Crymych' wrth adael y pentref am Hermon
Fe wnaeth Hywel Lewis ddatgan diddordeb ar y mater yma gan ei fod yn byw ar y stad.

Mae Hywel Lewis wedi casglu enwau pawb ar stad Waunaeron. Bydd Cris yn trefnu ei ddanfôn at y cyngor.
Bydd map yn dangos y lleoliad roedd yr arwydd i fod yn wreiddiol wedi'i gynnwys gyda'r ddeiseb.

- Menter Gymunedol
Bydd rhywun sy'n rhan o Bartneriaeth Ogwen yn rhoi cyflwyniad i'r Fforwm Iaith Sirol i weld sut mae modd symud hyn yn ei flaen.

4. Gohebiaeth

Cais am gyfraniad tuag at y Ambiwlans Awyr, gan nad ydyn nhw wedi gallu cynnal digwyddiadau codi arian eu hunain.

Cytunwyd, gan ei fod yn wasanaeth pwysig yng nghefn gwlad a bod llai o geisiauadaw am arian wedi dod, i roi £250.

5. Precept ac Amcanion / Rhaglen Ddatblygu

Mae'r precept presennol yn £11,000.

Bydd costau uwch i gynnal y caeau chwarae eleni felly cytunwyd i'w godi i £12,000 am y flwyddyn, fydd yn gynydd o tua £20 y flwyddyn i bob cartref.

Nodwyd bod y Llywodraeth yn talu hanner treth cyngor i'r rhai sy'n methu ei fforddio, ac yn talu'r cyfan i rai â thrafferthion ariannol.

Bydd angen sicrhau fod yr arian ychwnaegol o fudd i'r pentrefi ymylol hefyd, gan eu bod nhw'n talu trethi.

Nodwyd bod angen trafod yr hyn all y cyngor cymuned ei wneud a'i ddatblygu. Mae disgwyl i'r cyngor sir annog cynghorau cymuned i fod yn gyfrifol am ragor o wasanaethau.

Un peth i'w drafod ym mis Chwefror yw arwyddion baw cŵn. Cytuwnyd i Cris Tomos holi am ddyfynbris am argraffu arwyddion.

6. Parciau

Oherwydd toriadau fydd y cyngor ddim yn talu am yswiriant na chynnal a chadw parciau bellach, ond maen nhw'n cynnig gwneud hynny ar ran cynghroau cymeund am £615.

Gan fod y cae chwarae yng Nghrymmych a Hermon dan ofal y ddwy gymuned bydd y wybodaeth gan y cyngor sir yn cael ei ddanfon 'mlaen atyn nhw i'w drafod.

Nodwyd bod y cyngor am wybod erbyn canol y mis beth yw'r bwriad ac nad oedd hynny'n rhoi llawer o amser i ystyried opsiynau heblaw cynnig y cyngor.

Bydd Cris Tomos yn ymateb i'r llythyr i nodi hynny.

Nodwyd hefyd bod y cyngor, wrth archeilio offer, yn tueddu i fynnu bod offer newydd yn cael ei brynu os nad yw beth sydd yno'n cyrraedd y safon, heb ystyried trwsio. Mae tipyn o waith wedi trwsio wedi ei wneud ym mharc Hermon, sydd dipyn yn rhatach.

Oherwydd bod amser yn brin byddai'n bosibl felly, am eleni, i dderbyn cynnig y cyngor sir.

7. Cyllid

Roedd £14,516.28 yn y banc ar ddiwedd mis Rhagfyr.

Mae ad-daliadau wedi'u talu i Cris Tomos, ac archeb sefydlog wedi ei osod er mwyn talu Meurig.

Mae angen talu Neuadd y Farchnad am drydan ar gyfer y golau Nadolig. Cris Tomos i drefnu.

8. Cynllunio

Daeth cais am safleoedd parcio yn Nghlos yr Helyg, Crymmych. Mae hwn ar dir y Parc Cenedlaethol.

Doedd dim gwrthwynebiad i'r cais.

9. Rhandiroedd

Mae'r pump oedd â rhandir llynedd yn bwriadu parhau â'u rhandir ac wedi talu'r rhent, mae

cadarnhad i ddod gan y chweched.

Mae dau gais newydd am randir wedi cyrraedd, bydd Roger Howells yn trefnu gyda nhw os daw lle yn rhydd.

Nodwyd bod angen rhywfaint o dacluso ar y tir o amgylch y rhandiroedd.

10. UFA

- Mae Calonnau Cymru wedi cysylltu am grant sydd ar gael i gynghorau cymuned ar gyfer defibrillators. Bethan i holi am ragor o wybodaeth.
- Mae coed yn tyfu dros yr arwyddion cyflymder wrth ddod mewn i Grymych o Hermon, ac mae'n anodd iawn eu gweld.
Cris Tomos i drefnu bod y coed yn cael eu torri.
- Mae'r bwrdd gwybodaeth yn Llanfyrnach yn mynd i ben, cytunwyd i Iwan Evans edrych i weld a oes modd ei drwsio ac os nad oes bod un newydd yn cael ei brynu.
- Mae'r cyngor sir am wneud astudiaeth achos o'r drefn gyda thoiledau Crymych gan ei fod yn esiampol effeithiol. Mae angen gwybodaeth ychwanegol.
Bethan i edrych nôl yn y cofnodion.